

5294

1265

1部2

醫學三字經
上



閩陳脩園著

醫西學三字經

檀齋書屋重鐫



醫學三字經小引

童子入學塾師。先授以三字經。欲其便誦也。識途也。學醫之始未定。先授何書。如大海茫茫。錯認半字羅經。便入牛鬼蛇神之城。余所以有三字經之刻也。前曾托名葉天士取時俗所推崇者。以投時好。然書中之奧旨。悉本聖經經明而專家之技可廢。謝退谷於注韓書室。得繕本惠書千餘言。屬歸本名。幸有同志。今付梓而從其說。而仍名經。而不以爲僭者。採集經文。還之先聖。海內諸君子。可因此一字而共知所遵。且可因此一字而不病余之作。嘉慶九年。

歲次甲子人日陳念祖自題於南雅堂



上海中医药大学图书馆版权所有

一坊刻萬病回春膏崖尊生古今鑒統東醫寶鑑等書所
列病證不可謂不詳而臨時查對絕少符合卽有合處
亦不應驗蓋以逐末而忘其本也試觀內經難經傷寒
論金匱要略每證只寥寥數語何所不包可知古言貴
得其要也此書如怔忡頭痛歷節諸證非遺之也怔忡
求之虛癆頭痛有邪求之傷寒無邪求之眩暈虛癆歷
節尋其屬風屬濕屬虛而治之所以寓法也

一學醫始基在於入門入門正則始終皆正入門錯則始
終皆錯是書闡明聖法爲入門之準不在詳備若得其

秘訣未嘗不詳備也有證見於此而治詳於彼者有論
此證而彼證合而並論者有論彼證絕未明言此證而
卽爲此証之金証者實無他訣惟其熟而已熟則生巧
自有左右逢原之妙

論中所列諸方第三卷第四卷俱載弗遺唯傷寒論金
匱要略方非熟讀原文不能領會此書偶有闕而未載
者欲人於原文中尋其妙義闕之卽所以引之也閱者
鑒予之苦心焉

一方後附論或採前言或錄一得視諸書較見簡括閱者



自知

是書前曾托名棄天士今特收回陳念祖識



醫學三字經目錄

卷之一

源流

中風

虛癆

咳嗽

瘡疾

痢疾

心痛

腹痛

胸痺

隔食

反胃

氣喘

血症

水腫

脹滿

卷之二

蟲脹

暑症

泄瀉

眩暈

嘔吐

噦呢

癰

狂

癩



五淋

癰閉

渴病

遺精

疝氣

痰飲

消渴

傷寒

瘟疫

婦人

小兒

卷之三

藥方

卷之四

藥方

陰陽

識一字便可為師說

臟腑

十二

心說

肝說

脾說

肺說

腎說

胃說

膽說



南京中医药大学图书馆版权所有

大腸說

三焦說

手心主說

膀胱說

命門說

望色

聞聲

問證

切脈

張飛疇運氣不足憑說

附邦上朱濟生論壽世保元書一條

又識產後驚風證一條

喻嘉言寓意草中門人問答

例言

是書論證治法悉遵古訓絕無臆說浮談以時法列於前仲師法列於後由淺入深之意也



醫學三字經卷一

閩吳航陳念祖修園著

成都龍萬直燮堂訂梓

醫學源流第一

醫之始

本岐黃

黃黃帝也岐岐伯也君臣問答以明經絡藏府運氣治
療之原所以爲醫之祖雖神農本經在黃帝之前而神
明用藥之理仍
始於內經也

靈樞

素問詳

靈樞九卷素問九卷通謂之內經漢書藝文志載黃帝
內經十八篇是也醫門此書卽業儒之五經也可考



難經出更洋洋

洋洋盛大也難經八十一章多闡發內經之旨以補內經所未言即間有與內經不合者其時去古未遠別有考據也○秦越人號扁鵲載國人也著難經

越漢季有南陽

張機字仲景居南陽官長沙漢人也著傷寒難病論金匱玉函經

六經辨聖道彰

內經詳於鍼灸至伊尹有湯液治病之法扁鵲倉公因之仲師出而雜病傷寒尚以方藥為治其方俱原本於神農黃帝相傳之經方而集其大成

傷寒著金匱藏



王肯堂謂傷寒論義理如神龍出沒首尾相顧鱗甲森然。金匱玉函示寶貴秘藏之意也。其方非南陽所自造。乃上古聖人相傳之方。所謂經方是也。其藥悉本於神農本草。經非此方不能治此病。非此藥不能成此方。所投必效如桴鼓之相應。

垂方法

立津梁

仲師醫中之聖人也。儒者不能舍至聖之書。而求道醫者。豈能外仲師之書以治療。

李唐後

有千金

唐孫思邈華原人。隱居太白山。著千金方。千金翼方。各三十卷。宋仁宗命高保衡林億校正。後列禁經二卷。今本分為九十三卷。較金匱雖有浮泛偏雜之處。而用意之奇。用藥之巧。亦自成一家。

外臺繼

垂醫林



唐王燾著外臺秘要四十卷分一千一百
四門論宗巢氏方多秘傳為醫門之類書

後作者 漸浸淫

等而下不足觀也已

紅紫色 鄭衛音

間色亂正靡音忘倦

迫東垣 重脾胃

金李杲字明之號東垣老人
生於世宗大定二十年
金仁人元十七年乃終年七十二
舊本亦題元人作脾胃論辨惑論
蘭氏秘藏後人附以諸家合刻有東垣十書傳世

溫燥行 升清氣



如補中益氣湯及升陽散火之法如蒼朮白朮羌活獨活木香陳皮葛根之類最喜而用之

雖未醇亦足貴

人謂東垣用藥如韓信將兵多多益善然駁雜之處不可不知惟以脾胃為重故亦可取

若河間專主火

金劉完素字守河間人事蹟俱詳金史方技傳主火之說始自河間

遵之經斷自我

原病式十九條俱本內經至真要大論多以火立論而不能參透經旨如火之平氣曰升明火之太過曰赫曦火之不及曰伏明其虛實之辨若水炭之反也

一二方奇而安



北京中醫藥大學圖書館版權所有

如六一散防風通聖散之類皆奇而不離於正也

丹溪出 罕與儔

元朱震亨字彥修號丹溪金華人其立方視諸家頗高一格

陰宜補 陽勿浮

丹溪心法以補陰為主謂陽常有餘陰常不足諸家但辨其非以人得天地之氣以生有生之氣即是陽氣陰血皆其化生也

雜病法 四字求

謂氣血痰鬱是也一切雜病只以此四字求之氣用四君子湯血用四物湯痰用二陳湯鬱用越鞠丸參差互用各盡其妙



若子和 王攻破

張子和戴人書中所主多大黃芒硝牽牛芫花大戟
逐之類意在驅邪邪去則正安不可畏攻而養病也

中病良 勿太過

子和之法實症自不可廢然亦宜中病而即
止若太過則元氣隨邪氣而俱散挽無及矣

四大家 聲名噪

劉河間張子和李東垣朱丹溪為金
元四大家張氏醫通之考核不誤

必讀書 錯名號

李士林醫宗必讀四大家論以張為張仲景
誤也仲景為醫中之聖三子豈可與之並論

明以後 須酌量

